

Ezoterno predavanje Rudolfa Steinera

München, 15. juni 1908.

(Prema zabilješkama Mathilde Scholl)

Cilj ezoternih predavanja uvijek je dublje zahvatanje u ezoteriju, sve dok ne pređemo na vježbanja, mantričke vježbe. Da bismo napredovali i približili se velikim tajnama moramo od sebe odbaciti sve iluzije. Na izvjesnom stupnju evolucije iluzije su neophodne za ljude. Vremenom, ezoterni ih učenik odbacuje. Velika iluzija ličnog *ja* mora biti uklonjena. Čovjekovo pravo *ja* nije sadržano u njemu, već, ispravnije rečeno, dolazi iz beskonačnog i odlazi u beskonačno. U fizičkom svijetu mi bivamo svjesni našeg *ja* preko čula. Ovo izgleda kontradikcija činjenici da se jedna tačka u eterskoj glavi spojila sa sličnom tačkom u fizičkoj glavi tokom vremena Atlantide, i na taj je način *ja* ušlo u čovjeka. Ali ovo *ja* bijaše, takoreći, nalik na maleni neugledni ovitak, maleni džep utonuo u čovjeka. A pravo *ja*, koje bijaše rašireno kroz planete od Saturna do Vulkana, zračilo je u njega. Najbolji je simbol: mali džep nalik na ogledalce prema kojem pravo *ja* struji od ovog niza planeta.

(*crtež Rudolfa Steinera*)

Rekao sam da ono odlazi u beskonačno, jer ono nije započelo sa starim Saturnom, i nakon stanja Vulkana nastavlja dalje. Zato ga mi zamišljamo kao liniju na kojoj individualni lični životi bivaju formirani poput tekućih čvorova. (*odnosi se na crtež*)

Ako znamo kako prigušiti lično *ja* kojeg postajemo svjesni preko čula, tada je pred nama linija što vodi iz beskonačnog u beskonačno: "Iluzija čula skriva iluziju vremena." Ali je ona pred nama kao linija samo zbog iluzije vremena. Ako zamislimo ovu liniju nešto savijenu, tada ona mora preći u krug.

(dva crteža Rudolfa Steinera sa ispisanim: Alfa Omega Mahamaya)

Otuda imamo drugu rečenicu: "Iluzija vremena razdvaja Alfu i Omegu. Ja sam Alfa i Omega, ili Ja AlfaOmega." Ovo je pravo značenje zmije koja grize vlastiti rep. Ovo Ja AlfaOmega = I A O, što bijaše osnova atlantskog Tau.

(Preveo sa engleskog Slobodan Žalica)

* * *

Ezoterno predavanje Rudolfa Steinera

Kassel, 4. juli 1908.

(Prema zabilješkama Margarete Morgenstern)

Nakon Munchena 1907. (kongres Federacije evropskih sekcija Teozofskog društva), koordinacija umjesto subordinacije (odnosi se na reorganizaciju teozofske Ezoterne škole u istočnu i zapadnu školu). Harmonija u ezoternim učenjima. Razlika između egzoternih i ezoternih izlaganja: kod egzoternog izlaganja govornik je odgovoran za ono izrečeno; kod ezoternog, biće kome su on ili ona samo sredstvo da kroz njih govori, i koje stoji iza čovjeka, jeste

odgovorno. Ezoterno predavanje trebamo razumjeti kao poruku ovih bića.

Šest vježbanja. Šesto = kombinacija prethodnih pet. Harmonija intelektualnog, osjećajnog, i moralnog aspekta. Učenik mora biti podjednako utemeljen u sva tri.

Ako ljudi žele, a da ne budu ozlijeđeni, dobrovoljno napuštati svoja tijela, dolazeći u stanje koje nije ni smrt ni spavanje, tada je neophodno da im neko pomaže i štiti ih. A to je Hrist.

Etersko tijelo biva oslobođeno, izdignuto iz fizičkog tijela preko Hristovog impulsa. Etersko tijelo je prožeto Svetim Duhom preko Hristovog impulsa. A Sveti Duh --- naše više *ja* --- uzrokuje da snage u nas struje izvana.

(Preveo sa engleskog Slobodan Žalica)